

四庫全書

子部

欽定四庫全書

唐開元占經卷六十四

唐 瞿曇悉達 撰

分野畧例

宿次分野一

角亢鄭之分野自軫十二度至氐四度於辰在辰為壽星三月之時萬物始達於地春氣布養萬物各盡於其天性不罹天天故曰壽星

爾雅曰壽星角亢也鄭玄注月令曰仲秋者日月會於壽

星一名庫營皇甫謐曰壽星一名天庫一名天翼一名天正天官書曰角亢氐兗州淮南子曰角亢鄭也費直周易分野曰自軫七度至氐十一度為壽星蔡伯喈月令章句曰自軫六度至亢八度謂之壽星之次未之分

野曰鄭星
得角亢也
潁川之文城定陵襄城隸陽潁陰長社陽翟

邾八縣潁川郡秦置東接汝南西接弘農特得新安宜陽二縣屬弘

農郡漢置
武帝置
皆韓之分野韓世家曰韓氏姬之苗裔也詩風

陳鄭之國與韓同星分也陳世家曰陳本太昊之虛也周武王克殷求舜後得媯汭

封之於陳以奉舜祀為胡公
淮陽國之陳縣則其地也
鄭國今河南之新鄭是也

新鄭縣也河南郡秦三本高辛氏之火正祝融之虛重黎

川郡也漢高帝改名焉

為帝營高辛氏居火正甚有功能光融

及成臯滎陽

二縣

也屬河南郡戶也

潁川之嵩陽城

二縣

皆鄭之分也

鄭世家曰周宣王封

庶弟友於鄭是為桓公也

屬兗州

尚書禹貢曰濟河惟兗州周官曰河東曰兗州未央分野曰鄭治潁

川從滎陽南至梁山今為潁川

氏房心宋之分野自氏五度至尾

九度於辰在卯為大火東方為木心星在卯火出木心

故曰大火

爾雅曰火辰房心尾也大火謂之辰也語曰參辰亦曰參商謂參星與心星也已釋於魏

次注中鄭玄注禮記月令曰季秋者日月會於大火斗建戌之辰也周禮曰大火一名味一名天馬皇甫謐曰

大火一名天相一名天府天官書曰房心豫州淮南子曰氏房心宋也費直曰自氏十一度至尾八度為大火

蔡氏曰自亢八度至尾四度謂之大火之梁秦錫郡漢次未央分野曰宋星得房心今為梁也

梁國也楚漢高帝置楚周宣帝以為彭城郡也山陽郡漢景帝分梁國置東平漢景帝分梁國置濟

東國宣帝改濟陰漢景帝分梁國為濟陰國東郡之須昌壽張二縣也壽

張本名壽良漢光武避叔諱改為壽張也皆宋之分野周分微子於宋今之

睢陽是也睢陽縣屬梁國周成王封紂庶兄微子於宋以奉殷祀本陶唐火正閼

伯之虛也閼伯高辛氏之長子也居商丘也濟陰定陶定陶縣也屬濟陰國詩風

曹國是也周武王封弟叔振鐸於曹定陶縣是也屬豫州尚書禹貢荆河惟豫州周官河

南曰豫州未央分野曰宋治下蔡淮陽從南恒至濟漢水沛郡濟陽太行東海今為梁也尾箕燕之

分野自尾十度至南斗十一度於辰在寅為析木尾東

方木宿之末斗北方水宿之初次在其間隔別水

木故曰析木

爾雅曰析木謂之津箕斗之間漢津也鄭玄注月令曰孟冬者日月會於析木而斗建

亥之辰也周禮曰析木之津一名天昭一名漢津皇甫謐曰析木一名天丞相一名天司空一名天家子一名

天津天官書曰尾箕幽州淮南子曰尾箕燕也費直曰自尾九度至南斗九度為析木之津蔡氏曰自尾四度

至南斗六度謂之析木之次未央曰燕星得尾箕也周武王定殷封召公於燕其

後三十六世與六國竝稱王

王易王也

東有漁陽右北平遼

東遼西西有上谷代郡

六郡竝秦置

鴈門

郡秦置

南得涿郡之

易容城范陽北新城故涿縣良鄉新昌

八縣也涿郡秦置

勃海

之安次

安次縣也勃海漢高帝置

皆燕之分也屬幽州

周分冀州置幽州周官曰

東北曰幽州爾雅曰燕幽州未央曰幽州治薊南至積石東至恒山今為上谷漁陽右北平遼東遼西涿郡也

南斗牽牛吳越之分野自南斗十二度至須女七度於

辰在丑為星紀星紀者言其統紀萬物十二月之位萬

物之所終始故曰星紀也

爾雅曰星紀斗牽牛也鄭玄注月令曰仲冬者日月會於

星紀建子之辰也皇甫謐年歷曰星紀一名天津一名天府一名天苟一名天雞天官書曰斗江湖牽牛婺女柳州淮南子曰斗吳越也高誘注呂氏春秋曰斗吳也牛越也費直曰自南斗十度至須女五度為星紀蔡氏

月令章句曰自南斗六度至須女二度今之會稽九江

謂之星紀之次未央曰吳越星得牛斗

二郡秦置丹陽武改為丹陽豫章漢高帝置廬江淮南置廣陵

六安漢武帝改江都國為廣陵臨淮郡漢武帝置也皆吳之分

也史記吳世家曰吳太伯周太王之長子也與弟仲雍讓國於季歷奔荆蠻之地斷髮文身荆蠻義而歸之

自號句吳國武王克殷求太伯仲雍之後得仲雍曾孫周章封之於吳也今之蒼梧鬱林合

浦交趾九真日南南海皆越之分也越世家曰越之先夏少康之庶子封

會稽曰无余以奉禹祀十有餘世微弱為民禹祀中絕十有餘載後有子生而能言我無余之苗裔也越人尊

以為君號曰無余王也竝屬揚州禹貢曰淮海惟揚州周至孫允常越復興焉官曰東南曰揚州未

央曰吳越北至大江南至山東至海西至洞庭須女虛齊之分野自須女八度

至危十五度於辰在子為玄枵也玄者黑北方之色枵

者耗也十一月之時陽氣在下陰氣在上萬物幽死未

有生者天地空虛故曰玄枵也

鄭玄注月令曰季冬者日月會於玄枵斗建丑

之辰也周禮曰玄枵一名天一顓頊之虛皇甫謐曰玄枵一名娑女一名少府一名河鼓一名天機天官書曰

虛危青州淮南子曰虛危齊也費直曰自須女六度至危十三度為玄枵蔡氏曰自須女二度至危十度謂之

玄枵之次未央

東有菑川

漢文帝分齊國為菑川國

東萊

郡漢高帝置

琅

邪

郡秦

高密

漢宣帝改膠西國為高密國

膠東

漢高帝分齊為膠東國

南有太

山郡漢高城陽漢文帝分齊國立城陽國北有千乘漢高帝立為國得清河

以南勃海之高樂高城重合陽信西有濟南漢文帝分濟國立

南平原漢高帝置皆齊之分也齊世家曰齊太公望佐周武王而王乃封太公於齊武王

崩成王命齊國東至於海西至於河南至於穆陵北至於無棣而都營丘也屬青州禹貢海岱惟青

州周官曰東曰青州爾雅曰齊曰營州則青州也未央曰齊治營依于營丘北至燕西至九河南至菑水東至

海危室壁衛之分野自危十六度至奎四度於辰在亥

為諏訾諏訐歎息也十月之時陰氣始盛陽氣伏藏萬物

失藏養育之氣故哀愁而歎悲嫌無陽故曰諏訐諏訐者古

諸侯也帝嘗娶訾訾氏女生摯勢堯兄也爾雅曰訾訾曰營室東壁也一曰豕韋夏氏之御龍氏國也左傳曰莒弘對周景王曰蔡侯弑其君之歲歲在豕韋也鄭玄注月令曰孟春者日月會於訾訾而斗建寅之辰也周禮曰訾訾一名豕韋一名顓頊一名訾訾一名天府一名北陵一名卿中天官書曰營室東壁并州淮南子曰營室東壁也費直曰自危十四度至奎一度為訾訾蔡氏曰自危十度至東壁八度謂之豕韋之次未央曰衛星得營室

今東郡

秦置

魏郡

漢高帝置之

黎陽河內郡

漢高帝置本殷

之舊都周既克殷分其畿內為三國詩風邶鄘衛國是也

野王朝歌皆衛之分也衛

為翟人所滅文公徙封楚丘後三十年子成公遷於帝

丘今濮陽是也屬并州

周分冀州置并州周官曰正北曰并州今分野無并州所部郡

縣并州凡九郡悉在燕趙秦次中未詳也未央曰
奎婁
衛置濮陽其地從王水以東至沛今為東郡也

魯之分野自奎五度至胃六度於辰在戌為降婁降下

婁曲也陰生於午與陽俱行至八月陽遂下九月陽微

剥卦用事陽將剥盡陽在上萬物枯落捲縮而死故曰

降婁爾雅曰降婁奎婁也鄭玄注月令曰仲春者日月會於降婁而斗建卯之辰也周禮曰降婁一名清

明皇甫謚曰降婁一名天官天官書曰降婁魯徐州淮南子曰奎婁魯也費直曰自奎二度至胃三度謂之降婁

之次未央曰東至東海郡漢高置南有泗水泗水國漢武帝分東海郡立也

至淮得臨淮之下相睢陵僮取慮皆魯之分也周成王

以少昊之虛曲阜封周公子伯禽為魯侯以為周公

主也

魯世家曰周武王克殷封弟周公旦於少昊之虛周公佐武王不就封武王崩成王命周公子伯禽

代居國是為魯公也

屬徐州

禹貢曰海岱及淮惟徐州爾雅曰齊東曰徐州而周罷徐合青漢武復置

徐州未央曰東至溫水西至滎陽北至代南至江

胃昴趙之分野自胃七度至

畢十一度於辰在酉為大梁梁強也八月之時白露始

降萬物於是堅成而強故曰大梁

爾雅曰大梁昴也鄭玄注月令曰季春日

月會於大梁斗建辰之辰也注周禮曰大梁一名大陽一名西陵皇甫謐曰大梁一名耕田一名天倉一名天獄

一名大軍一名偏將軍天官書曰昴畢冀州淮南子曰昴畢魏也費直曰自胃四度至畢八度為大梁蔡氏曰

自冒一度至畢二度為大梁趙本晉地分晉得趙國漢高

帝以邯鄲北有信都漢高帝立真定國漢武常山郡漢高帝

為名恒山郡漢文帝又得涿郡之高陽鄭州鄉二縣也

高帝立東有廣平國漢武鉅鹿郡漢高清河國漢文帝又

得勃海之東平舒中武邑文安東州城平章武六縣也

以北南至浮水水名一作漳水繁陽內黃斥丘三縣屬魏西有

太原郡秦定襄郡漢雲中秦五原秦九原郡朔方漢武

置上黨秦本韓之別郡遠韓近趙後卒降趙皆得之自

趙夙後九世稱侯四世敬侯徙都邯鄲後三世有武靈

王五世為秦所滅

趙世家曰趙氏之先帝顓頊之苗裔伯益之後也又虞舜妻之姚姓之女

賜姓嬴氏歷夏殷世為諸侯後造父為周穆王御而西巡狩而偃王反繆王日馳千里還攻徐破之乃賜造父趙城由此屬冀州禹貢曰冀州既載壺口治梁及岐周官為趙氏

常山代郡畢皆參魏之分野自畢十二度至東井十五度於

辰在申為實沈言七月之時萬物極茂陰氣沈重降實

萬物故曰實沈

高辛氏有二子伯曰閼伯季曰實沈而不相能后帝不厭遷閼伯於商丘主辰

商人是因故為商星遷實沈於大夏主參唐人是因故參為唐星至周武王感靈夢而生叔虞成王時唐有亂

周公滅唐成王因戲而封虞於唐河汾之東方百里太原郡之晉陽縣是也實沈參之辰也因名次焉鄭玄注

禮記月令曰孟夏者日月會於實沈斗建巳之辰周禮曰實沈一名不疑皇甫謐曰實沈一名大唐一名中尉

一名天路一名天溝一名天京一名旄頭天官書曰觜觿參益州淮南子曰觜觿參趙也鄭玄注周禮保章氏

曰實沈晉也費直曰自畢九度至東井十一度為實沈蔡氏曰自畢六度至東井十度為實沈之次未央曰魏

星得胃昂畢也自高陵縣也屬益州以東盡河東郡秦置河內漢高帝置南

有陳留郡漢武帝置汝南之邵陵漢武置潁强新汲秦置及西華長平

潁川之舞陽鄆許鄆陵河南之開封中牟陽武酸棗

酸棗縣屬陳留縣則為重見也皆魏之分也魏世家曰畢公高之後也與周同姓高佐周武王得

封於畢更為畢氏後封其苗裔曰畢萬事晉獻公從
伐霍耿魏滅之獻公以魏封萬魏河東郡之永安縣
是也武子子悼子從治霍霍平陽郡之永安縣是也悼
子子昭子徙安邑河東之安邑縣是昭子孫獻子與趙
鞅共謀祁羊舌氏分其地獻子曾孫桓子與趙韓滅智
伯桓子孫文侯時魏為強大周烈王賜命為諸侯文侯
子武侯與趙韓滅晉分其地屬益州漢武帝改梁州為益州非魏地益州地盡
在秦楚次中為甚畧未詳其旨未央曰晉治太原
從魏以西至襄治之今為河東河內上黨雲中

東井

輿鬼秦之分野自東井十六度至柳八度於辰在未為

鶉首南方七宿其形象鳥以井為冠以柳為口鶉鳥也

首頭也故曰鶉首

爾雅曰味謂之柳鄭玄注禮記月令曰仲夏者日月會於鶉首斗建午之

辰也周禮曰鷄首一名小章皇甫謐曰鷄首一名天祿一名天子市一名白虎將一名斧鉞天官書曰東井與鬼雍州淮南子曰東井與鬼秦也費直曰自東井十二度至柳四度為鷄首蔡氏曰自東井十度至柳四度謂之鷄首未央曰秦星得東井與鬼也

京兆扶風馮翊

竝秦內史漢武帝分為三輔

北地上郡

二郡秦置

西河安

定天水

三郡漢武帝置

隴西

秦置

南有巴郡蜀郡

二郡秦置

廣漢

漢置

犍

為

漢武帝置

武都西北有金城

漢置

武威

本休屠王地也

張掖

本昆耶王地

酒泉燉煌

燉煌本屬酒泉漢武帝置

又西有牂牁越雋益州皆秦也

三郡竝漢武帝開置

秦之分也

秦世家曰秦之先曰非子與趙同姓伯益之十六世孫也為周孝王

養馬甚息孝王封為附庸邑之于秦號曰秦嬴天水之隴縣則其地也秦嬴曾孫曰秦仲周宣王使伐西戎為戎所殺宣王復命仲子莊公與四弟伐戎破之賜仲大駱之地於是居於大丘扶風之槐里縣是也屬雍

州禹貢曰黑水西河惟雍州周官曰正西曰雍州漢武帝改為涼州未央曰秦治櫟陽又治咸陽今為長安

北地從華山西至隨流沙今為三輔已蜀漢中隴西北地上郡也柳七星張周之分野

自柳九度至張十七度於辰在午為鶉火南方為火言

五月之時陽氣始隆火星昏中在七星朱鳥之處故曰

鶉火爾雅曰柳鶉火也柳七星張南方之中宿也故曰大周禮曰鳥興七游象以鶉火也鄭玄注禮記月

令曰季夏者日月會於鶉火斗建未之辰也周禮曰天井一名致方注天官書曰七星張三河淮南子曰七星

張周也費直曰自柳五度至張十二度為鶉火蔡氏曰
自柳三度至張十二度謂之鶉火之次未央曰周星得
注今之河南雒陽谷城平陽偃師鞏維氏此七縣屬
張

周分也

周世家曰周之先曰棄棄生有神怪長好稼穡
為舜播種百穀舜封之於邠扶風是也號曰后

稷姓為姬氏曾孫公劉國於邠扶風是也十世孫曰太
王為狄所侵遷於岐扶風之美陽是也大王孫文王有
聖德周室方隆徙都於鄴鄴在京兆之長安縣武王子成王營
王滅商徙都於鎬鎬在京兆之長安縣武王子成王營
雒邑都河南郡之河南縣是也或云屬三河河南河內
成王居雒邑六世孫懿王遷大丘也
是也案周之將亡惟河南一郡故以為周分野其河內
河東乃在魏次中未詳周分野稱三河之謂矣未央曰
周治洛陽西至華山東至滎澤少翼軫楚分野自張十
室北至河南至濮水今為河東陳留翼軫楚分野自張十

八度至軫十一度於辰在巳為鶉尾南方朱雀七宿以

軫為尾故曰鶉尾

鄭玄注禮記月令曰孟秋者日月會於鶉尾斗建申之辰周禮曰鶉尾一

名烏帑皇甫謐曰鶉尾一名烏注一名天根一名旄一名樹天官書曰翼軫荊州淮南子曰翼楚也費直曰自

張十三度至軫六度為鶉尾蔡氏曰自翼十二度至軫六度為鶉尾之次未央曰楚星得翼軫也今之

南郡

秦置

江陵

江陵即南郡所部縣即重見矣

江夏

漢高帝置

零陵

郡漢武帝置

桂

陽武陵

二郡漢高帝置

長沙

郡秦為郡漢高帝改為國

及江中

秦置

汝南

漢高帝置

皆楚之分也周成王先師鬻熊之曾孫熊繹於荊蠻為
楚子居丹陽後十餘世至熊通號武王浸以強大後五

世有莊王并有江漢之間吞陳蔡縣申息服隨唐後十

世頃王徙於東馬

楚世家曰鬻熊祝融之苗裔也姓芊氏丹陽今南郡之枝江縣是也武子文王

都於郢江陵是也莊王曾孫昭王為吳所破吳兵入郢昭王奔隨楚大夫申包胥求救於秦秦乃救楚大敗吳師闔廬弟夫槩王反自立為王闔廬班師昭王乃得反國更都於郢南郡鄭縣是也屬荊州曰荊及衡陽惟荊州周官曰正南曰荊州未央曰楚治南至九江北至淮水東至海西至魚腹山今為淮陽汝陽廬江長沙南海故楚治南郢也

月所主國二

荊州占曰正月周二月徐三月荆四月鄭五

月晉 六月衛 七月秦 八月宋 九月齊 十月

魯 十一月吳越 十二月燕趙

日辰占邦三

石氏曰甲為齊乙為東海

司馬遷班固竝以甲乙日月不占晉灼注曰海外遠甲乙

日時故

丙為楚丁為南蠻

司馬遷班固竝以丙丁為江淮海岱

戊為魏

一云

戊為韓司馬遷班固竝以戊己為中州河濟也

己為韓

一云己為魏

庚為秦辛為西

夷

司馬遷班固竝以庚辛為華以西

壬為燕

司馬遷班固竝以壬為趙淮南子壬為衛

癸為

北夷

司馬遷班固竝以壬癸為常山北淮南子癸為趙

石氏曰子為周丑為翟

一云丑
魏翟梁

寅為趙

淮南子荊州占
並以寅為楚

卯為鄭辰為晉

班固劉
表韓揚

並以辰為邯鄲
一云辰為趙也

巳為衛午為秦未為中山

一云

申為齊

一云申為晉
荊州占申為晉

酉為魯戌為趙

班固云戌為趙
荊州云戌為吳

亥為燕

災變期應四

巫咸曰五星之合金星以金日木星以木日水星以水
日火星以火日土星以土日月期十二辰候其災之變
以其殺時甲乙日應在金丙丁日應在水戊巳日應在
木庚辛日應在火壬癸日應在土五星皆同法也 歲

星主木也日以甲乙熒惑火也日以丙丁填星土也日以戊己太白金也日以庚辛辰星水也日以壬癸二十八舍以十二子故金應在火木應在金水應在土火應在水土應在木故木期十二日十二月十二歲火期四十三日四十三月四十三歲土期二十八日二十八月二十八歲金期八日八月八歲水期十日十月十歲又曰五星守二十八舍左為春應右為秋應前為夏應後為冬應其法隨氣所制前後石氏曰

凡五星行犯列舍前為春應後為秋應左為冬應右為
夏應假令春以東為前西為後北為左南為右夏以南
為前北為後東為左西為右秋以西為前東為後南為
左北為右冬以北為前南為後西為左東為右 宋均
曰災祥見在正月則應在七月 災祥見在二月則應在
八月 災祥見在三月則應在九月 災祥見在四月
則應在十月 災祥見在五月則應在十一月 災祥
見在六月則應在十二月 災祥見在七月則應在來

年正月 災祥見在八月則應在來年二月 災祥見在九月則應在來年三月 災祥見在十月則應在來年四月 災祥見在十一月則應在來年五月 災祥見在十二月則應在來年六月 荊州占曰甲乙日有變期百二十日丙丁日有變期八十日戊己日有變期六十日庚辛日有變期四十日壬癸日有變期二十日

順逆畧例五

巫咸日五星之行東行為順西行為逆 韓公實注靈

憲曰當東反西則逆 石氏曰日行五寸一尺為平行
日行一寸二寸為遲 甘氏曰逆日遲 韓公賓注
靈憲曰五星之行近日則遲 石氏曰日行一度為疾
韓公賓曰五星之行遠日則速 石氏曰未應去而
去為出 未當來而來為入 甘氏曰同形為入 日
月五星與宿星同舍為合 石氏曰芒角相及同光為
合 巫咸曰諸舍精相沓為合 荊州占曰相去一尺
內為合 孟康曰合同舍也 石氏曰星光曜相逮為

合 郝萌曰留三日為合 孟康曰舍宿也入宿度為

舍 甘氏曰共行在一宿為舍 石氏曰行度所居為

舍 甘氏曰闕 為宿 石氏曰留二十日以

上為宿宿猶守也 甘氏曰行所當至過二十一日色

潤澤為居 石氏曰以度至而不去為居 石氏曰不

東不西為留 郝萌曰住不移為留 石氏曰居之不

去為守 甘氏曰徘徊不去其度為守 文耀鉤曰留

不去為守 郝萌曰二十日以上為守 東西正當為

中 甘氏曰在上而下為乘 石氏曰五星入度經過
宿星光耀犯之為犯 郝萌曰五星所犯木火土水同
度去之七寸為犯太白一尺以內為犯 韋昭曰自下
往觸之為犯 甘氏曰未當入度經入為侵 甘氏曰
在下犯上為陵 石氏曰在上犯下為陵 郝萌曰星
圍宿周迴一匝為環 不周曰繞 石氏曰東西為勾
甘氏曰去而復還為勾 郝萌曰星行如勾為勾
石氏曰南北為已 甘氏曰再勾為已 郝萌曰星行

如已字為已 石氏曰西入東出為貫 甘氏曰在下

相侵為貫 在傍為刺 郝萌曰直至為抵 星相觸

而止為觸 甘氏曰相切為磨 石氏曰相至為磨

甘氏曰去之寸為靡 星相滅為抵 巫咸曰兩體相

著為薄 甘氏曰不於晦朔者為薄

雖非日月同宿陰
氣隆奄者為薄日

光也

石氏曰不交而食曰薄 帝覽嬉曰赤黃無光為

薄 孟康曰日月無光曰薄 京房曰日月赤黃為薄

韋昭曰氣往迫之為薄 石氏曰相陵為鬪 甘氏

曰倚視離而復合合復離為鬪 韋昭曰星相擊為鬪
郝萌曰邊侵為食 京氏曰相侵之食日體三毀三
復行異處是為相侵食也三分日取一也 韋昭曰虧
毀曰食 石氏曰光五寸以內為芒 巫咸曰光一尺
以內為角歲星七寸以上謂之角 郝萌曰色非常
為變 光耀搖豔為動 甘氏曰潤澤和順為喜 石
氏曰五星光芒隆謂之怒 郝萌曰壯大色強為怒
石氏曰超舍而前謂之贏 七曜曰超舍而前過其

所當舍之宿以上一舍二舍三舍謂之贏 易萌氣樞
曰大進曰贏 班固曰出為贏 石氏曰退舍而復為
縮 七曜曰退舍以下一舍二舍三舍謂之縮 易萌
氣樞曰大退曰縮 班固曰晚出為縮 甘氏曰相近
為就聚 甘氏曰相遠為離徙 石氏曰星月相近俱
隆明為同光 巫咸曰凡五星入月中星不見為月食
星星見為星食月

唐開元占經卷六十四

欽定四庫全書

子部

唐開元占經卷六十五

詳校官中書_臣李采

靈臺郎_臣倪廷梅覆勘

總校官編修_臣王熙緒

校對官庶吉士_臣潘曾起

謄錄監生_臣鄧培善

欽定四庫全書

唐開元占經卷六十五

唐瞿曇悉達撰

石氏中官占上一

攝提占一

石氏曰攝提六星夾大角

入角八度少去北極五十九度半在黃道內三十二度太

一名環樞一名天樞一名關丘一名致法一名三老一

名天鈇一名天獄一名天檐一名天武一名天兵星東

西三三而居形似鼎足常東向天子吉昌若北向即大
人失位聖人更制天下有事期三十日兵出復三十日
兵罷若攝提北向向格而治十日而令出其反故位十
日而兵罷 天官書曰攝提者直斗杓所指以建時故
曰攝提格 巫咸曰攝提三星如鼎足左右角西南向
主易姓 樂緯叶圖徵曰攝提為楯以其夾捧帝席也
合誠圖曰攝提主九卿 洛書曰攝提移政更權
帝覽嬉曰仁道不行攝提失衡 含文嘉曰王者敬師長

有尊則攝提如列無則反折

宋均注曰師者所以教人為君也長者所以教人為

長也大角為帝席攝提六星携紀綱以輔大角師長象也如列者如鼎足俱東向

春秋緯曰

攝提斗携角以接下化而東向令乖行則天下更紀王

者滅文曜鉤曰代提天下更紀世有名師

宋均曰主德不一則

攝提代移更紀授有令名為天下師表者也

援神契曰攝提運度主接靈

石氏曰攝提色欲黃而潤澤溫溫不明天下安明大

者三公恣天子弱鈇鉞用元命包曰攝提反衡天下

大亂易姓興

宋均曰反衡謂不東向也

春秋緯曰攝提移向北王

者以過見滅攝提疏濶大夫僭差 焦延壽曰攝提星
近大角若不居其故近戚有謀賊王者 石氏讚曰攝
提六星攜紀綱建時立節伺機祥

大角占二

石氏曰大角一星在攝提間

入亢二度半去極五十八度在黃道內三十四度少

一名格一名漢星 詩緯曰大角一曰帝筵成統理

紀歷樞曰大角為天棟以正紀綱一曰大角為火以其
赤明也 春秋緯曰大角為坐候一曰大角為帝席以

布神厚德 又曰大角者天王帝廷也 甘氏曰大角者棟星也其星光澤明大揚芒奮角強臣伏誅天下安寧芒之所指兵所從往者吉 石氏曰大角天棟也明則天子威行 雒罪級曰棟星亡不言王失號 尚書

緯曰棟星亡罪深重誅 春秋緯曰大角不見蒼帝失

勢 含文嘉曰王者敬諸父有差則大角光明以揚

宋均曰諸

父伯仲叔季也角堅剛而居帝前帝敬諸父感天故應之也

鉤命決曰赤滅亂棟

星去 論讖曰棟星亡主曠乏 石氏曰大角貴人象

也主帝座光潤明大則吉光不明者若有他色青憂赤
兵黑疾白喪 大角不明王者失天心強臣凌主天下
有憂秦之亡也攝提不動而大角亡去 焦延壽曰大
角星角起揚光若近天帝左右有以席薦害主者 郝
萌曰大角變色有芒角大動不出三月兵大起 大角

數動人主好遊不居其宮馳騁天下

晉陽秋曰孝武太
元二年七月乙亥

大角搖三年二月乙巳作
新宮帝及二后移會稽

大角不明則天子耗衰 棟

星明大天子輔強 荊州占曰棟星亡王者死 韓楊曰

大角動搖主不安臣下有惡事劫主者

宋天文志曰安帝隆安五年七

月癸亥大角星散搖五色元興二年桓玄篡位遼帝得陽

石氏讚曰大角帝席色

欲明光隆潤澤德合同

梗河占三

石氏曰梗河三星大角北

西星入亢八度去極三十八度在黃道內四十九度

郝萌曰天矛者天子之兵也黃帝占曰梗河三星天

鋒天之劍戟主於罰戮其星如常明而不動邊寇寧天

下安星若明大芒角動搖邊夷兵起胡人為亂王者有

憂 荊州占曰梗河天楯

晉灼曰名天螽

玄戈天矛也相近相

嚮大安 石氏曰梗河三星天矛也梗者遞也河者擔

也士卒更遞擔持天矛以行也在斗杓頭主殺所向無

前也主胡兵芒角大則四裔不靖邊兵大起 黃帝曰

梗河主喪陰十日不見國有喪以初不見日占之男女

梗河末男本女天不陰梗河亡不見視二十八宿星羸

縮若在北斗傍所見之宿其國若諸侯有喪 石氏曰

梗河亡三日不見國有謀兵若諸侯有死者七日不見

國有大喪以其初不見之日以占其國 梗河天矛也
亡不見即有所藏所藏之國宿有謀兵不然有喪求於
二十八宿若斗則是以見之日知其期 荊州占曰天
矛星不欲明大明大兵起 石氏曰梗河三星天矛鋒

招搖占四

石氏曰招搖一星梗河北

入氏二度半去極四十度
太在黃道內五十七度強

黃

帝曰招搖尚羊也

吳龍共天官
星占曰常陽

尚羊者懸以匡也一名

矛楯胡星也與梗河玄戈列從北斗柄端抵大角近北

斗者玄戈次曰招搖星明大赤角而動胡兵大起四夷
主昌中國亡又曰其俱明胡利 黃帝占曰招搖為矛
攝提大楯相當兵大起大戰 春秋緯曰斗端有兩星一
內為招搖一外為楯天鋒主兵用若動兵大行 荊州
占曰招搖南夷也 巫咸曰矛楯兵星金官也 黃帝
占曰招搖欲與梗河棟星相直則胡常來受命貢獻
於中國不相直則胡人叛戾 招搖明而不正胡不來
受命斗末之星招搖之間名為天庫招搖離其處名曰

開庫開庫兵發 招搖星欲明而微小則王者威令行
四夷 春秋緯曰矛楯動兵四行臣子謀妄奸通弑君
弑父九州振 春秋緯曰楯動搖若角大兵起天下弑
主害於中發四方竝興王者行德納賢正度 又曰臣
主爭伐相誅則矛楯角躍相扞 焦延壽曰招搖亡去
國兵起主遇賊 天官書曰招搖星赤角胡兵大起不
來受命星大亦然 荊州占曰招搖奮光明動天子強
招搖色青有憂赤白而明者天子有怒黃白光澤天

下安靜小而黑軍破國亡又曰色黑為弱 荊州占曰
矛楯動近臣恣庶雄謀 石氏讚曰招搖玄戈主胡兵
芒角變動兵革行

玄戈占五

石氏曰玄戈一星在招搖北

入氏一度去極三十二度
半在黃道內五十三度半

黃帝占曰玄戈主北夷玄戈招搖雌也星欲微小
微則王者吉天下安寧其星明而大則胡夷單于動兵
大起 甘氏曰玄戈主胡兵星若小動兵小動大動兵

大起胡人入境 樂緯曰玄戈宮也戊子候之宮亂則
荒其君驕不聽諫佞在側宮和則致鳳凰頌聲作 荆
州占曰玄戈小數動後而大動則兵大起 石氏曰玄
戈星赤天下有兵

天槍占六

石氏曰天槍三星在北斗杓東

四星入氏太去極二十八度太在黃道內七十

一度 黃帝占曰天鎗一名天鉞三星鼎足形在北斗柄

端其狀忽然不明明大則斧鉞用一曰有兵小不明則

兵罷 石氏曰天槍三星主帝伏兵槍者今之鎗也以竹為之銳其頭以捶地鋒外向以槍人星溫溫而不明則吉若光明則伏兵行 巫咸曰槍金官也 黃帝曰槍三星備非常若今之機槍也其星溫而不明則王者吉其星明大則兵起斧鑕用 石氏曰左槍右倍天之武備也攻城襲邑當視槍星大而明若有叛而自歸者其國不可出兵星小而明兵可出城可襲 荊州占曰天槍一星不具所見而兵起 黃帝曰天槍星動搖若

角大兵起天下弑主害以中發 荊州占曰天槍揚光
天降喪亂 石氏讚曰槍樁八星備非常

天樁占七

石氏曰天樁

蘇林曰打樁之樁

五星在女牀東北

柄星入箕八度半去極三

十二度在黃道內七十一度

郝萌曰天樁者先驅也 石氏曰天

樁五星天之武備也樁者大杖所以打賊也皆所以禁
暴橫備不虞也 黃帝占曰天樁五星天之武備也以
防不虞其星不明而靜則天下無兵其星明大動搖則

兵大起五仗用 石氏曰天棓一星不見其國兵起
郝萌曰天棓星微細則吉變明則凶有憂 荊州曰天
棓一星不見天下有大兵

女牀占八

石氏曰女牀三星在天紀北

西星入箕一度去極五十度在黃道內五十六度

女牀後宮御也衆妾所居宮也侍皇后隨從以時御見
者 黃帝曰女牀星後宮御也嬪妾所居宮也其星欲
明大小相承如其故則后妃安宮人吉星若微小不明

非其常處嬪妾不安其宮有憂 郝萌曰女牀者主女
藏 石氏曰女牀星不明則吉明則宮女恣 女牀星
動不吉 焦延壽曰女牀星舒妾代女主不乃死 荆
州占曰女牀星無故不見女子多疾 韓揚曰女牀非
其故則后宮有憂 石氏曰女牀主女事行列微靖吉
亂明動不吉 石氏讚曰女牀三星待後宮

七公占九

石氏曰七公七星招搖東

西星入氐四度半去極三十
九度少在黃道內五十九度

半強

黃帝曰七公一名天紀 七公主議疑天之輔相
七政之象評議之臣其星大而齊明議人有忠王者安
其星大小有差微而不明議者不同決事不從人主有
憂 石氏曰七公天之相也三公廷尉之象也上星上
公也次星中公也明則七輔強 海中占曰七公七輔
也上星上公次星次公下星下公各以其次第齊明輔
臣居其常職其星不明者各以其次輔臣有黜若有罪
期不出年 郝萌曰七公主七政別善惡 石氏曰七

公主議疑天之相理謂三公左輔右弼前疑後丞之官
平議疑獄斷折刑法欲詳審也星大小不明議事者不
從也 石氏讚曰七公七星議欲詳

貫索占十

石氏曰貫索九星

天官書曰勾園一十五星屬杓曰賊人之牢
案貫索為賊人之牢止有九星未詳遠所云

十五星所以在七公前上右星入尾半度
去極五十九度少在黃道內三十七度

在七公前 黃帝占

曰天牢者賊人之牢也天下獄律也一名連索一名天受一名
天圍 論讖曰貫索主天牢 郝萌曰貫索為逮獄之法律也

天牢主天子之疾病憂患 春秋緯曰貫索賊人之牢中星實則囚多虛則開出 石氏曰貫索北開名曰牢戶其星間濇則戶開必有赦若星狹而不開牢中有憂貴人當之 黃帝占曰常以四時候天牢其口星開披天下赦不赦逆人主憂開市不利 黃帝占曰天牢中央大星牢監也左右徙倚不居其處若不見大赦期十八日 天牢中常有繫星三以甲子丙子戊子庚子壬子暮視之其一星去有善事其二星去有賜令爵祿之事三星盡去人主德令赦天下甲子期八十一

日丙子期七十二日戊子期六十日庚子期八十日壬子期六十二日而赦 黃帝曰天牢中星不欲衆衆則囚多其中星稀則囚少其中無星天下無罪人其國安連索直而抵織女天下有急布帛之徵 石氏曰貫索入漢中人相食兵起 天牢口所向開門者兵所往期六月 焦延壽曰貫索星戶開左若星入牢中有貴人自索守者不復必凶兵死 郝萌曰天牢直若角赦以丑未候之 天牢旁有此星以至開閉天牢已開天

下大赦此星閉而赦為逆此星以開不赦為不慎順天
牢空更立元年不行德令天雨沙石期三年 天官書
曰赤帝行德天牢為之空 荊州占曰天牢中多星則
多繫囚九星天下獄煩八星姦人入七星小赦六星五
星大赦天牢斧鑕動搖非其故斧鑕用 石氏讚曰貫
索九星禁暴橫

天紀占十一

石氏曰天紀九星在貫索東

四星入尾五度去極五十
一度半在黃道內五十六

度太

黃帝曰天紀天緯也主正理冤訟星齊明王法正

直無有偏黨天下綱紀 論讖曰天紀星以表九州定

圖位 天紀星主厯音律 黃帝曰天紀星敗絕山崩

易政有饑民君不安 石氏曰天紀絕天下大亂主凶

天紀星明天下多詞訟者亡則政理壞 焦延壽曰

天紀星與女牀合王者妻姑姨以淫亡若以女謁失位

郝萌曰紀星入漢中人相食 班固天文志曰紀星

散者山崩不則有喪 荊州占曰紀星散絕不山崩則

主死又曰紀星弛散則國綱紀亂 石氏讚曰天紀九
星理怨訟

織女占十二

石氏曰織女三星在天紀東端

大星入斗十一度去極五十二度在黃道內六

十三度太

郝萌曰織女一名東橋 荊州占曰織女一名

天女天子之女也在牽牛西北鼎足居星足常向牽牛
扶筐牽牛扶筐星亦常向織女之足不如其故布帛倍

其價若有喪

班固天文志曰織女杜預曰星占之織女處女也天孫女也案織女七夕有渡河之

期似非處
女之稱

石氏曰織女主經緯絲帛之事大星皇聖

之母二小星者太子庶子位也三星俱明天下和平

詩記歷樞曰織女內正紀綱 合誠曰織女天女也主

瓜果收藏珍寶以保神明成衣立紀故齊制成文繡應

天道 巫咸曰織女天水官也 郝萌曰織女大長秋

也 黃帝曰織女主絲帛五采之府大星后兩小星太

子之位三星齊明天下和平絲綿綵帛賤星若不明主

后有憂絲綿繒帛貴 織女大星怒而角者布帛貴

黃帝曰織女一星亡兵起女子為侈織女不居其處
若更天下以女為憂 石氏曰織女之道與貫索相直
布帛賤不相直天下有急布帛貴 織女主絲帛之事
與扶筐為妃其足常向扶筐即吉不則絲帛有變其一
足亡也女病或曰兵起 焦延壽曰織女星入漢婦人
皆水行后亦然 郝萌曰織女晨見東方赤精明女工
善不精明女工惡常以十月朔六七日視之 郝萌曰
織女星非故山搖地動若牛疾 陳卓曰王者至孝神

祇咸喜則織女三星俱明天下和平 石氏讚曰織女三星保神明收藏珍寶以奉王

天市垣占十三

石氏曰天市垣二十二星

張衡渾儀曰天市二十二星帝座前有一耳

在房

心東北

門右星入尾太去極九十四度少在黃道內一度少

郝萌曰天市垣星

一名天府一名長城 巫咸曰天市五帝之治水官也

郝萌曰天市者天子之市也 詩緯曰天市主聚衆

春秋緯曰天市主權衡 荊州占曰天市西北大星

南方相去三尺所名曰天曹

石氏曰市者四方所樂

帝都之邦主王之坐故帝座在市中聖主之明候也

郝萌曰天市之垣天之旗幟也欲其大明明則糴賤

石氏曰天市垣二十二星主四方邊國門左星宋也次

星衛次星燕次星東海次星徐次星太山次星齊次星

河中次星九河次星趙次星魏次星中山次星河間市

門右一星韓次星楚次星梁次星巴次星蜀次星秦次

星周次星鄭次星晉也其星光芒即其國有謀也若星

色微小其國邑弱王者修德以扶之 黃帝曰天市垣

星不明市中星簡其歲虛五穀傷糴大貴人民饑

天市中星次其明潤澤衆蕃可以積貯市中星不明

市少可以發出貯積 含文嘉曰王者於族人有次序

則天市正明

宋均注曰王者於親疏有次序族者非一人也天市之應明所感多

石氏

曰天市星明則市吏急商人無利星微小則吏弱商人

多利 天市中星衆明則歲實星稀則歲不實虛也

郝萌曰天市星明大則糴賤不明則糴貴 天市中多

小星民富足 石氏讚曰天市二十二星為外臣

帝座占十四

石氏曰帝座一星在市中侯星西

八尾十五度半去極七十一度少在黃道

內三十度

黃帝占曰帝座天庭也人主象也 石氏曰

帝座天位也帝座天之貴神也執陰陽之銳秉殺生之府總萬化之原保存亡之機和陰陽之氣應四時之分帝座星色欲明光而潤澤則天子吉威令行微小則凶星亡則王者有憂大人當之天下亂有兵起期二年石

氏讚曰帝座一星尊時行

候星占十五

石氏曰候一星帝座東

入箕二度半去極七十三度
太在黃道內三十八度少

巫咸曰候星土官也

石氏曰候星以候陰陽伺遠國夷

狄以知謀徵

候星主時變貨財安靜吉候星明萬國

同風王道通利輔臣強也微小不明則王道不通輔臣

弱星移主不安期不出年若星亡主失位期不出年

荊州占曰候星明大則四夷開候星微細則國安石

氏讚曰候星在東司陰陽

宦者占十六

石氏曰宦者四星在帝座西

南星入尾十二度去極七十二度半在黃道內三十

度宦者星常侍黃門左右小臣侍從之官常侍市中帝

座也 宦者刑餘人在座西微吉明凶 郝萌曰宦者

星非其常宦者官有憂宦者刑人也有刑人於市 石

氏讚曰宦者在西侍主傍

斗星占十七

石氏曰斗五星在官者西南

第一星入尾十度少去極七十二度在黃道內二十

五度

郗萌曰斗者主也署物散也其星明吉不明凶若

其星亡歲饑或其星仰則天下升斛不平覆則歲稂又斗星不明穀不成歲大饑人相食 石氏讚曰南有斗星主平量

宗正星占十八

石氏曰宗正二星在帝座東南

南星入箕二度去極八十四度在黃道內二十

七度半

宗正主宗人小宗之象也

黃帝曰宗正帝宗也

主萬物之名品類於市其星非其故處帝宗后族多有
黜者若多死 石氏曰宗者主也正者政也主政萬物
之名於市中星非其故吏不去則死及更號令 宗星
失色宗正有事 宗正星明大帝宗强大星不明帝宗
弱也 石氏讚曰宗正二星宗大夫

宗人星占十九

石氏曰宗人四星在宗正東

南星入箕七度半去極八十五度在黃道內二十八

度 元命包曰宗人主先人以時祠享 石氏曰宗人

主恩享大宗之象敦穆親親 含文嘉曰族人有序則
宗人倚文正明 黃帝曰宗人星明如其故宗室有序
人主吉昌若動搖不如其常則宗人不和王者親屬有
變若宗族貴人多死者 石氏曰宗人星離絕有大怪
鳥見 石氏讚曰宗人四星錄親疎

宗星占二十

石氏曰宗星二星在宗人北

南星入箕九度去極七十
九度在黃道內二十三度

太元命包曰宗星主先人祠享 石氏曰宗星主別

親疎宗室之象也皆帝輔血脈之臣也 黃帝占曰宗
星明而相近帝相親后族有序其星不明而相遠則帝
親后族相簡若有謀者王者有憂 石氏讚曰宗星二
星恩不殊

東西咸占二十一

石氏曰東咸四星在房東北

南星入心二度去極一百
三度在黃道內二度少

西咸四星在房北 黃帝曰東西咸一名大明在房東
西各四星而列熒惑道也不道軌還之 石氏曰東咸

西咸八星者房戶之扇常為帝之前屏以表障后宫以防姦私也 郝萌曰東西咸日月之道也日月五星不以道必有賊 荊州占曰東西咸者房戶也星明如列表間天子吉子孫蕃滋 石氏曰東西咸四星在房東北主日行色明吉不明凶 海中占曰東咸西咸星明而行列王者威令行妃后守其宮其星微小而不行列若亡不見人主威弱女主自恣奢淫無度防守者憂若宮人有罪一曰貴女有黜者 焦延壽曰東咸星上近

鈎鈐十日則有讒賊臣入害主者西咸星前近上若有角搖起明動十日有人以知天數入為害者石氏讚曰東咸西咸防佚淫

天江星占二十二

石氏曰天江四星在尾北

南星入尾六度少去極一百一十一度在黃道外二度半

黃帝曰天江星如常微小則陰陽和水旱調其星明大天下大水江海溢流五穀不熟民人以水饑若其星微若參差不齊馬貴一曰馬多死石氏曰天江星中

河而動則兵起如流沙死人若亂麻以人渡河如其星
不見則津梁不通又曰其星不欲明動搖則大水出沒
城邑大道不通 郁萌曰天江星不欲明河中而居河
中者大兵起車騎滿野道不通 石氏曰天江四星主
太陰其星明大水不禁

建星占二十三

石氏曰建星在南斗北

西星入斗七度少去極一百一十三度少在黃道內一度

黃帝曰建星者一名天旗一名天關 巫咸曰建星土

官也 郝萌曰建星天之都關也為謀事為天鼓為天馬南二星天庫也中央二星市也缺鑕也上二星旗也天府庭也斗建之間三光道也 海中占曰斗建者陰陽始終之門大政升平之所起律曆之本原也 郝萌曰箕星與建星之間日月五星之下道也 詩雅度覽曰建星動勞未央 焦延壽曰建星一星不具若與斗合一月辟亡二星合十日亡三星合三日亡病也 荊州占曰建星欲其相對列則天下安若不相類天下亂

人主憂 石氏曰建星明大則大臣忠孝帝承天心不明大小不齊則王者失道忠臣不用 石氏讚曰建星六星為斗承主國日月行失繩

天弁星占二十四

石氏曰天弁九星在建星北

西星入斗六度太去極九十度太在黃道內一十七

度太

石氏曰天弁九星在天市垣外天下市官之長也

主市中列肆諸價入在市籍者商稅還方持物來皆當貴其租稅其星明大則市物盛興其星不明則萬物衰

耗 黃帝曰天弁星欲明大則天下安寧萬物興隆珠
玉珍物賤其星不明天下空虛萬物衰惡五穀不成珍
物貴 樂緯曰弁星羽也壬子候之羽亂則危其財匱
百姓枯渴為旱 石氏曰天弁星主恭儉明吉不明凶
焦延壽曰天弁星近建星若明大動搖天下有女樂
見人主為害者 石氏讚曰天弁九星知市珍其星明
大萬物興

河鼓星占二十五

石氏曰河鼓三星旗九星在牽牛北

大星入南斗二十二度太去極八十

五度在黃道內二十八度太

黃帝曰河鼓一名天鼓一名三武一

名三將軍也中央星大將也左星左將軍右星右將軍

皆天子將也 郗萌曰河鼓一名提鼓一名天董一名

天廐 巫咸曰河鼓金官也 天官書曰河鼓大星上

將也 合誠圖曰河鼓備關梁設難距鼓金聲無口以

音守聞遠知近達志意 郗萌曰河鼓星主軍鼓主斧

鉞主外關州又主軍喜怒 赫連圖曰河鼓怒黑命成

矣 石氏曰河鼓旗揚而舒者大將出不可逆當隨旗
之指而擊之大勝 石氏曰河鼓旗星明者則旗幟出
以日占其國其星若戾將軍政亂士卒強將相凌若旗
星不正有兵 黃帝曰河鼓星曲失計奪勢 石氏曰
河鼓不正若變色皆為兵憂將免其星動若怒皆為兵
馬或將出又河鼓欲正直而明大黃潤澤則無兵大將
吉又曰三武易次兵起 郗萌曰天鼓之星怒者馬貴
一名元鼓 石氏讚曰河鼓鼓旗建音聲設守險阻知

謀徵旗星差戾亂相凌

離珠星占二十六

石氏曰離珠五星在須女北

北星入須女初去極九十度在黃道內二十度

郝萌曰離珠女子之星也 石氏曰離珠星者御後

宮離袿衣也環珮玉珠后夫人之盛飾也主進王后之

衣服也 黃帝曰離珠星明如其常則宮人妃后安身

其星不明易其故則宮人不安 石氏曰離珠非其故

後宮亂從危之陽天旱危之陰大水五穀不登離珠明

大則後宮昌失色不明則后勢任子不顯所近不正

石氏讚曰離五星御後宮

匏瓜星二十七

石氏匏瓜星五星在離珠北

西星八須女少去極七十一度半在黃道內三十三

度

黃帝占曰匏瓜一名天鳥一名天雞其四星劍鐔

之形其星明大如其故則果物皆實歲熟星若不明非其常果物皆惡歲不登有大水川道不通 石氏曰匏瓜者一名天匏一名天雞匏瓜大則歲熟星微則歲惡

黃帝占曰匏瓜星主後宮匏瓜天雞也主司中所以
和五味 元命包曰匏瓜主陰謀 郝萌曰天子果園
為獻食者 星官訓曰匏瓜大瓜也性內文明而有子
美盡在內 黃帝曰匏瓜星明則野瓜甘露生庖廚後
宮官多子孫星不明后失勢又其星非其故則山搖
石氏曰匏瓜非其故則山谷多水天下不通 焦延壽
曰匏瓜星不見若不正動搖皆為有賊人主者若以果
實為敗 石氏讚曰匏瓜五星司謀忠

天津星占二十八

石氏曰天津九星在須女北河中

西北星入斗二度去極四十九度在黃道

內四十九度少

黃帝占曰天津者一名天潢一名潢中一名

巨潢一名江星一名水王柱一名格星一名潢星一名

天津天津有潢四星在危之北居漢 郝萌曰天潢者

天津也一名天漢 元命包曰天潢主河梁所以度神

通四方也又曰天潢一星天子都船也 黃帝占曰天

津有變水賊稱王水道不通 石氏曰天津處河溢天

津覆水滔天天津亡河水為害天下不通 石氏曰天津亡津道不通天津張天下安 郝萌曰天潢星不具天下津河關道絕不通 石氏讚曰天津九星通厄窮

螣蛇星占二十九

石氏曰螣蛇二十二星在營室北

喙星入營室一度半去極五十一度在黃道內

五十三度少

螣蛇天蛇也主水蟲又螣蛇蛇之牡也與龜鱉

交水蟲之長也水中之蟲皆屬螣蛇 黃帝曰螣蛇星

明水蟲茂魚鹽賤星不明則水蟲衰耗魚鹽貴 石氏

曰螣蛇星移南則軍兵起移北大水若星明不安微則安 石氏讚曰螣蛇之星主水蟲

王良星占三十

石氏曰王良五星在奎北

居河中西星入壁半度去極四十二度半在黃道內五十

七度

郝萌曰王良一名天津一名王濟

案荊州占云王良或占車騎或

占津梁且古字通用故二字竝依舊本

元命包曰天騎四星在漢中一

名天駟傍一名王良主天馬 郝萌曰王良一名天馬

黃帝占曰王良主御風雨水道主河梁 河圖曰王

良為天橋 巫咸曰王良天子道橋之度水之官 郗

萌曰王良者天子奉車 郗萌曰王良策馬前與馬等

後與馬等 荊州占曰王良為西橋故或占車騎或占

津梁 黃帝曰駟馬參差不行列天下安若駟馬齊行

王良舉策天子自臨兵國不安 黃帝曰王良發者河

水出 河圖曰王良策馬此皆兵候聖雄並起期不出

九年天下之兵擾 考靈曜曰王良策馬狼狐張咄咀

害出血將將 王良傍一星名策馬謂有光芒也張猶明也咄咀大星名也血將將兵起死傷以

也

含文嘉曰天子乘舟得其所貴賤不相踰僭則王

良附路星明常在河中天子壽昌萬民無疫癘之殃 論

讖曰王良策馬野骨曝 石氏曰王良星移則有兵以

東西南北處所在王良星不具津河道不通 王良策

馬車騎滿野天下大亂兵大起明君出期不出三年

海中占曰駟馬不動天子安宮 焦延壽曰天駟星前

與閣道相近有江河之變 郝萌曰王良正馬疾病

王良與馬齊天子有疾馬 荊州占曰王良與馬齊天

下有急 郝萌曰王良向造父馬賤 赫連圖曰王良

策馬北夷制號

宋均曰策星在王良傍若移在王良前居馬後是謂策馬

石氏曰

王良星常在漢中則吉不可移動移動則有兵 王良

駟馬動搖天子欲出小動小出大動大出千里駟馬有

芒角天子兵期二年王者必有所在惟意有所想未發

顏色王良星 石氏讚曰王良五星知王莊

唐開元占經卷六十五

欽定四庫全書

唐開元占經卷六十六

唐 瞿曇悉達 撰

石氏中官

閣道星占三十一

石氏曰閣道六星

司馬遷天官書云後六星絕漢抵營室曰閣道案圖簿營室北有滕蛇二十二

星其閣道止六星恐由子長之謬矣

在王良東北

南星入奎五度去極四十三度少在黃道內五

十八度少

巫咸曰閣道水官也

石氏曰閣道形如飛閣

之狀從紫微北門出至河上天子法駕乘其行神乘也
石氏曰閣道王良旗也一名紫宮旗在王良傍而抵
紫宮垣旗動搖不如其故旗所指者兵所起 春秋緯
曰閣道所以扞衝難滅諸咎 黃帝占曰閣道天子御
道也絕漢直紫宮後名曰閣道其星明行列正直人主
吉天下安其星動搖不如其故若星不具則天子津道
不通有謀臣閣道星主道星天子私出入 王者別宮
以候近出星明大則王者聖明四方大通若星不具天

子道津不通 焦延壽曰閣道星與紫宮蕃星同行辟
溺河梁若王者宮闕道有害者 石氏讚曰閣道六星
神所乘

附路星占三十二

石氏曰附路一星在閣道南傍

入奎三度去極四十三度在黃道內五十七度

郝萌曰附路一名王濟之太僕一名伯樂一名就父

論讖曰附路主掃除 郝萌曰附路主御風雨 石

氏曰附路以通道若閣道道壞當從附路道備豫不虞

以候災害故曰備路 禮緯曰附路明天子壽昌萬民
無疫病之殃 論讖曰附路亡道塗塞 石氏曰附路
星芒則車騎滿野 郝萌曰附路正馬車騎滿野天下
大亂期十月王良駟馬也正馬謂移在駟馬之前 石
氏讚曰附路一星備敗傷

天將軍占三十三

石氏曰天將十一星在婁北

大星入奎十五度半去極六十度少強在黃道內二

十九度少

巫咸曰天將軍金官也

郝萌曰天將軍者天

所以將率忠正之羣士而自衛者 石氏曰天將軍者
天之大將軍也中大星大將也外衛小吏士也大將星
動搖兵起大將出 黃帝占曰天將軍小星動搖不具
兵發 又占曰天將軍星欲明安靜天下無兵大將安
寧其星不明搖動天下大兵大將出行 海中占曰天
將軍星動搖天子自將兵出 郝萌曰天將軍旗陳直
揚者所指者勝所背者負旗者左右星也 石氏讚曰
天將軍十一星主武兵

大陵星占三十四

石氏曰大陵八星在胃北

北星入婁六度少去極四十度少在黃道內四十度少

石氏曰大陵一名積京其星明蕃國多有大喪民多

疾病諸侯有喪

石氏曰大陵中有積尸星明則有大

喪死人如丘山

甘氏曰大陵喪墓積尸隨居

郝萌

曰積京者大陵也卷舌之口也大陵曲而北向卷舌曲

而南向相為牝牡

郝萌曰積京中星衆則衆聚星少

則衆散

石氏讚曰大陵八星主崩喪

天船星占三十五

石氏曰天船九星在大陵北河中

北星入婁九度去極四十三度半在黃道

內四十三度少

郝萌曰天船九星一名王船中有四星常欲

均明即天下大安不明移處消小不見天下有兵若有

喪 石氏曰天船主水旱之事一名天更 黃帝占曰

天船主帝王濟渡之官常居漢中 郝萌曰天船天將

軍兵船也 石氏曰天船常在漢中不明天下兵起津

河不通川水大出舟船用 焦延壽曰舟星頭四星常在漢中

將以水戰不成若有沒國水大出 石氏讚曰天船九星濟不通

卷舌占三十六

石氏曰卷舌六星在昴北

北星入胃十度少去極五十六度在黃道內四十一度太

黃帝占曰卷星一名勝舌一名左舌一名積京一名

積薪 春秋合誠圖曰卷舌主口語 石氏曰卷舌主

利口明大則利口用事 石氏曰卷舌星欲微小不明

明大多讒言下多讒口舌作也 石氏曰卷舌星曲如

舌即舌舌直天下多口舌之害 聖洽符曰卷舌動其

中星衆兵大起多口舌卷舌安靜其中星希則國寧無
兵 郝萌曰卷舌星蕃盛天下多口舌民多疾死一曰
兵起人死如丘山 郝萌曰卷舌星動兵大起多口舌
星希則無兵 郝萌曰卷舌星出守不居漢中天下盡
為口舌妄言 石氏讚曰卷舌六星知讒謗

五車星占三十七

石氏曰五車五星三柱九星凡十四星在畢東北

西星入畢

三度去極六十三度
在黃道內十度太

石氏曰五車一名天庫一名天

倉凡五星在畢昴北大陵東其西北端一大星曰天庫

天庫將畢也秦也太白也其神名曰令尉次東北星名

曰獄燕趙也辰星也其神名曰風伯次東星名曰天倉

天倉衛魯也其神名曰雨師次東南星名曰司空楚也

鎮星也其神名曰雷公次西南星名曰鄉鄉韓魏也熒

惑也其神名曰豐隆 石氏曰五車中有三柱

晉均曰
柱解音

注三星鼎足居柱一名休格一名旗 郝萌曰五車一

名咸池一名為五潢一名為重華居豐隆也 天文志

曰三淵者五車柱也 黃帝占曰五車者五帝之座

巫咸曰五車天子五兵水官 郗萌曰五車天子大澤

也主輕車 石氏曰五車西北大星大豆東北星稻也

東南星麻也正南星粟也西北麥也 甘氏曰五車星

五穀各有所主分野其星動搖變色其國有兵五穀大

貴人民饑亡隨

闕

決吉凶 郗萌曰

五車主五穀一車主蕒蕒麻也一車主麥一車主赤黑

豆一車主黍一車主稻米 黃帝占曰五車三柱星動

期三十日車騎發 禮緯含文嘉曰天子觀天文察地

理和陰陽揆星度原神明之變獲福於無方得靈臺之

禮則五車三柱均明不離其常川原陸澤年豐穰

宋均注曰

天子考察天氣若祥填見赤星之祲者也所以獲福禳災五車主五穀為民禳災得民福民無饑寒之困故五車星均明以應之也 春秋元命包曰五車三柱象天下之車一

柱不見三分一車行二柱不見三分二車行三柱不見

天子自將兵 文曜鉤曰咸池中三柱不具兵草起

石氏曰五車中一柱出若不見兵少半出二柱出若不見兵大半出三柱盡出若不見兵盡出柱入而兵入柱外出不與天庫相近者軍出穀貴轉穀千里柱外出一月穀貴期一歲出二月穀貴六倍期二歲出三月穀貴九倍期三歲出三月不入穀貴十倍 石氏曰五車柱外出分居兩星之間者天下大水木大貴柱倒立者就車行土大貴轉土千里 石氏曰五車星欲其均明闊狹有常五車天庫星中河而不見天下有積屍人不可

度河河不通即有軍

石氏曰五車明大若星繁衆兵

革大起

石氏曰五車休出庫者甲兵強輕車騎出休

出倉者大車出婦女挽糧休格所指者車從之 石氏

曰五車倉星不見其所臨之軍必絕食大窮而亡 郝

萌曰五車旗不見天下大風發屋折木 又占曰五車

休旗動四夷畔 又占曰五軍休格反抵大星兵起天

下先兵者勝 荊州占曰五車柱倒立戰軍行 石氏

曰五車星俱明五穀豐一星不明則其穀不升 又占

曰五車星失色赤地三千里不生 石氏曰五車星有
不見其國饑有兵憂 石氏讚曰五車三柱欲均明主
穀豐耗知敗傷

天關星占三十八

石氏曰天關星在五車南參西北

入觜初度去極七十度半在黃道外二

度太

郝萌曰天關天門也在黃道中日月不出其中行

必有一國之主不朝者一曰柱不道者五星不出其中
臣必有不道者 黃帝占曰日月五星不出天關中者

必有叛臣不從君命若主不道臣謀君有兵起 石氏
曰天關星芒角有兵 焦延壽曰天關星不在若與五
車星舍大將披甲國門閉 天官書曰黑帝行德天關
為之動 石氏曰天關星欲大明明大則王道平通
石氏譜曰天關一星道所從

南北河戍占三十九

石氏曰南河北河六星夾東井

東河中央入井十七度
少去極八十度在黃道

外十度

春秋緯曰井鉞北曰北河南曰南河兩河天關

門為闕梁也 黃帝占曰南河戌名曰南紀陽門南宮
南高南闕越門 黃帝占曰南北河戌一名天高一
天亭兩河戌間為天道 郝萌曰南河戌一名南藏北
河戌一名北藏一名天門 黃帝占曰北河戌名曰北橫陰門
北宮北高北闕胡門 黃帝占曰南河戌為權北河戌為衡
權不正則天傾所謂不正者南河戌南五尺 黃帝占
曰南北河戌為天街天街流相抵天下大亂親離也
巫咸曰南北戌北門水官也 石氏曰天闕者河戌也

主中國之難此皆天之度以昭示人也 郝萌曰兩河
成與成俱為帝閼 又占曰兩成間為天門日月五星
常出其門中經行吉不得久留守焉日月五星不出其
中者為王失道行其南以刑法舉錯不當失道行
其北以女及財物金錢失道近期三年中期六年遠期
九年 韓楊曰南北成者天門也兩成間為天道日月
五星常出南北成間出北旱 黃帝占曰兩河星欲明
大小如其故則天下安寧四夷來朝其星不明若動搖

不於其常則邊兵大動交侵中國人主有憂 郝萌曰
北河戍下多小星有民不治將不明多失職 黃帝占
曰日月五星行不出天道間必有不道之臣一曰必有
道不通 石氏曰南戍主夷狄北戍主中國兩戍之間
天關門 石氏曰南北河星不具道不通一曰大水
石氏讚曰兩河六星知逆邪

五諸侯占四十

石氏曰五諸侯五星在東井北近北河

西星入井二度
去極五十七度

在黃道內
三度少

黃帝占曰五諸侯主帝心一曰帝師二曰

帝友三曰三公四曰博士五曰太史此五者為帝定疑也 巫咸曰五諸侯士官 石氏曰五諸侯五星在北

戌之南東西列東端第一星齊也西端一星秦也其餘星皆為諸國 春秋緯元命包曰五諸侯主刺舉戒不

虞 援神契曰五諸侯主危傾此皆諸侯之職也 石

氏曰五諸侯者使發摘奸謀司察陰私伏匿之事 春

秋緯曰五諸侯理陰陽舉外害察得失九州之外使五

星之變逆出名罰第一典歲其次如位故以上天禍從
中起 禮緯含文嘉曰五禮修脩則五諸侯星正行光
明不相凌侵五禾五木應以大豐 黃帝占曰五諸侯
星欲均大小齊明則王吉昌天下太平其臣皆忠星若
差戾搖動不明則輔臣不忠王者不安天下有憂 春
秋緯元命包曰五諸侯生角禍在中 春秋緯元命包
曰五諸侯星流四去外牧傷天子避宮公卿逃 石氏
曰五諸侯星明大潤澤大小齊同者吉諸侯忠良王道

大興細微者凶 郝萌曰五諸侯星當明即天下大治
安昌不明若不見者天下之貴人有謀其主者不出三
年而發 韓楊曰五諸侯紂戒見亂相屠 石氏讚曰
五諸侯星主議疑

積水星占四十一

石氏曰積水一星在北河西星北

入井十三度去極五十五度在黃道內十

二度太

石氏曰積水一星一名聚水積聚美水以給酒

官之旗 巫咸曰積水之官 黃帝占曰積水一星給

酒旗積水者甘泉也擬於醪釀以待賓客其星欲明天
下安饗讌之禮行其星不明人主不安五穀不登饗讌
禮廢徭役殷煩人民憂 石氏曰積水星明大動搖天
下水河海溢流津道不通 石氏讚曰積水星給酒旗

積薪星占四十二

石氏曰積薪一星在積水東南

入井二十一度半去極
六十一度半在黃道內

十度
太

石氏曰積薪聚薪也聚薪以給享祀 黃帝占

曰積薪所以給庖厨以燎熟飲食其星欲明明則王者

安五穀熟其星不明則庖厨空虛天下旱歲不登人民
饑王者有憂 石氏曰積薪與積水相去五尺以內天
下太平五穀成若相去一丈以外天下饑荒人民流亡
去其鄉 石氏曰積薪明大則人君增庖厨 石氏曰
積薪星明大穉嘗察星不明君臣不和百祀不享 石
氏譏曰積薪一星主給庖

水位星占四十三

石氏曰水位四星在東井東南北列

南星入井十九度
半去極七十二度

半在黃道
外三度太

黃帝占曰水位主水官也其星微小如其
故則陰陽和雨澤以時天下安其星明大大水橫流溝
渠溢滿五穀死傷民以水饑 石氏曰水位星主水衡
衡平象水澤平而後流澤不壅塞也星明大則兵水興
焦延壽曰水位星上近北戍國沒為河不乃有滔天
之水以日占國 石氏讚曰水位四星瀉溢流

軒轅星占四十四

石氏曰軒轅十七星在七星北

大星入張太去極七十
一度在黃道內一度少

詩推度災曰黃龍在內正土職也一曰陳陵二曰權
星主雷雨之神 石氏曰軒轅一名昏昌宮而龍蛇形
凡十七星南端明者女主也母也女主北六尺一星夫
人也屏也上將也北六尺一星次夫人也妃也次將也
北六尺一星次妃也其次皆次妃也女主南三尺星不
明者女御也御西南文所一星大明也太后宗也御東
南文所一星少明也皇后宗也 郝萌曰軒轅女主之
廷也一名天柱 荊州占曰軒轅前大星明一曰天關

主陰關 淮南鴻烈曰軒轅帝妃之舍也 巫咸曰軒
轅天子后妃之庭主土官也 黃帝占曰軒轅十七星
主后妃黃龍之體以應主南第一星皇后也次北一星
三夫人又北一星九嬪也次北一星二十七世婦其次
北一星八十一御女西南六尺一星太后宗也東星六
尺一星皇后宗也后妃星南一尺一星小者皇子也次
南二尺一星女史也其星主雷雨風霜霧露虹蜺背璫
抱珥此軒轅之變氣皆應主之祥 石氏曰軒轅星王

后以下所居宮也一曰帝南宮中央土神女主之象也
女主之位黃帝之舍也 禮緯含文嘉曰諸舅有儀則

軒轅東西角大張

孝經

闕

挈曰軒轅列明后女爭譽

石氏曰軒轅屏星去無君臣之義

石氏曰軒轅星

如其故色黃而潤澤則天下和年大豐

石氏曰軒轅

移外民流亡從胡人移其內民人大饑胡人來

焦延

壽曰軒轅星動有搖若相就皆為后夫人之宗有死喪

若卑伐尊者

又占曰女御星去後星遠有賊星迫近

之有賞賜事其東西至大民少民王者娶不以次淫泆
不用道理以下賤為正也 郝萌曰軒轅角振后族敗
振動也 荊州占曰軒轅欲小小黃明也消小不見皇
貴妃不安黑色大凶 石氏曰軒轅星合為百二十妃
大小相次后宫多子孫不明有暴憂 石氏讚曰軒轅
龍體主后妃

少微星占四十五

石氏曰少微四星在太微西南北列

南星入張十度半
去極七十度半在

黃道內三度半弱

韓楊曰天官圖簿少微四星謂第一處士

第二博士第三義士第四大夫也

別書云有五星南端一星主真人老子許

由也第二星處士孔子也第三星工士奚仲魯班也第四星術士定鍾律師曠也第五星能士力舉九千鈞也又天官書曰廷蕃西有墮星五案圖簿止有四星且韓楊又云異聞今故兼錄也

文曜鉤曰

少微士大夫位也一名處士 巫咸曰處士水官也

石氏曰少微伏戲之廷 巫咸曰少微天子副主或曰

博士官一曰主衛掖門 黃帝占曰少微主藝能之士

若聞如孔子巧如魯班道術之士悉皆主之 黃帝占

曰少微星明而行列王者任賢良舉隱逸才用天下安
其不明微而不見賢良不出術士潛藏人主不安 春
秋緯曰大夫專權則兵陵地圯少微纖昧 石氏曰少
微星明大而黃潤澤則賢士舉而忠臣用 石氏曰少
微星微小則賢士退而忠臣廢 巫咸曰少微星非其
故女主有憂 巫咸曰處士明王命興輔佐出 焦延
壽曰少微星近太微若一星獨前入太微西門胡主有
謀賊辟 石氏讚曰少微四星逸士位

太微星占四十六

石氏曰太微十星

案司馬遷天官書班固天文志並匡衡十二星驗圖薄及所見星位止十

星未詳其占

在翼軫北

門右星入翼九度去極七十度半在黃道內二度太也

吳龔

天官星占曰太微者天關也南門關千里分為左右掖

郝萌曰太微之宮天子之廷上帝之治五帝之座也

案張衡靈憲曰太微為五帝之庭

名曰保舍十二諸侯之府也其外蕃

九卿也軒轅為權太微為衡

案續晉陽秋曰桓溫入蜀聞有善星者後有大志遂

致之夜獨執其手於星下問國社之修短星人曰太微紫微文昌三宮氣候如此決無憂虞五十年外不論耳

溫不悅遺絹一疋錢五千星人詣習鑿齒曰受旨自裁乞命為標揭棺木鑿齒問其故星人曰賜絹令我自縊乞錢買棺故知之耳鑿齒曰君幾誤死君亦知星宿有不覆之義乎絹以戲君錢供資糧是聽君去耳星人喜以此言詣溫溫歎曰君三十年看儒書不如一詣習主簿淮南鴻烈曰太微者

主朱鳥也

許慎曰大風之鄉朱鳥

孝經緯曰太微天廷帝以紀

錄出圖五星並設神靈集謀故置將相輔佐執法郎位

少微以議疑 巫咸曰太微天子常侍上官也 黃帝

占曰太微天子之宮西蕃四星南北列南端第一星為上將北間為太陽西門門北一星為次將北間為中華

西門門北一星為次相北間為太陰西門北端一星為上相東蕃四星南北列南端第一星為上相北間為太陽東門門北一星為次相北間為中華東門門北一星為次將北間為太陰東門北端一星為上將南蕃兩星東西列其西星為右執法其東星為左執法廷尉尚書之象兩執法之間太微天廷端門也右執法西間為右掖門左執法之東為左掖門帝有四部將軍相有十帝之所尊貴者為上將相不以廷尉尚書為例 洛書曰

太微西蕃將執威誅不順東蕃相執美拒侯王 春秋
元命包曰太微權政所在 又曰太微為天廷理法平
辭監升授德列宿受符諸神考節舒情稽疑也南蕃二
星東星曰左執法廷尉之象也西星曰右執法御史大
夫之象也執法所以舉刺凶姦者也兩星之間南端門
也左執法之東左掖門也右執法之西右掖門也東蕃
四星南第一星曰上相上相之北東門也第二星曰次
相次相之北中華門也第三星曰次將次將之北太陰

門也第四星曰上將所謂四輔也西蕃四星南第一星
曰上將上將之北西門也第二星曰次將次將之北中
華門也第三星曰次相次相之北太陰門也第四星曰
上相亦為四輔也春秋緯曰天廷微序五統三立法
式成章匡衛星為蕃臣西星將位東星為相位中執法
南兩星端門旁左右掖門五諸侯王

唐開元占經卷六十六

欽定四庫全書

子部

唐開元占經卷六十七

詳校官中書_臣李采

靈臺郎_臣倪廷梅覆勘

總校官編修_臣王熙緒

校對官庶吉士_臣潘曾起

謄錄監生_臣鄧培善

欽定四庫全書

唐開元占經卷六十七

唐瞿曇悉達撰

石氏中官

三台占五十三

石氏曰三台六星兩兩而居起文昌列抵太微

兩台北星入井

三十度太去極三十度少在黃道內三十八度少也

黃帝占曰三能

蘇氏曰能音台

者

三公之位也諸侯農人也一名天柱太一之舍道也文

昌之庭也在下名曰天奇 黃帝占曰三能近文昌宮
者曰太尉司命為孟次星曰司徒司中為仲次星為司
空司祿為季 黃帝占曰泰階天之三階也上階上星
為天子下星為女主中階上星為諸侯三公下星為卿
大夫下階上星為士下星為庶民所以和陰陽而理萬
物 又占曰三台大間中相去十六度為平過為太減
為損小間中相去太半度為平過為奢減為迫 又占
曰知三能者使人不病癘夫妻俱視三能使人離三能

雖尊臣之位也 又占曰司祿主人君之爵祿 禮含
文嘉曰三台為天階太一躡以上下一曰天階 春秋
緯曰三能在前叅稽正緒 春秋緯元命包曰魁下六
星兩兩而北曰三能主德聞德宣符也西近文昌二星
曰上台為司命主壽次二星中台為司中主宗室東二
星曰下台為司祿主兵 論讖曰上台上星主兗豫下
星主荆揚中台上星主梁雍下星主冀州下台上星主
青州下星主徐州星非其故以占其邦 巫咸曰三能

天子六階六階土官也 郝萌曰三能主爵為天倉

司馬遷天官書曰三能三衡者天庭也 荊州占曰司

命主兵間六尺有兵 又占曰司命司中祿星天子定

見安危之府也萬民壽之主也 黃帝占曰司命司中

司祿星色青黑天下多憂 又占曰司中主宗室間六

尺主亂政急骨肉親疏遠宗室不和附人君不安兵起

黃帝占曰公侯背叛率部動兵則中階上星其色赤

夷狄侵邊境內騷動則中階下星疏而橫其色白卿大

夫廢正向邪作姦營私則下星垂而疏其色赤避尊比
下興衆同位則星迫而下色白 黃帝占曰士庶民不
從法令犯刑為賊則下階上星其色赤星去本就末淫
侈相起則閹人橫其色白令行法勝委命聽從則星迫
而下其色白 又占曰上能不具春不得耕中能不具
夏不得芸下能不具秋不得穫 又占曰三階平則陰
陽和風雨時五穀豐禎祥應天下太平三階不平則陰
陽不和風雨不時百靈不享災異並生百姓不寧 黃

帝占曰天子剛猛好兵滅後殺嗣則上階上星其色赤
循宮廣圉肆其聲色則上階奢而橫溫懦柔弱誅罰不
行則上階迫其色白朋黨比周度逾適易則上階下星
其色白妃嬪尊榮讒言進用則上階下星奢而橫其
色白恃寵肆欲懷邪作亂則星高而仰其色赤黃帝
占曰人主有綱臣下有紀賦斂惟省刑罰用輕則上階
為之惑諸侯納貢朝聘有禮三公盡忠卿大夫無私則
中階為之比庶民奉化閨門和穆幹給以時徭役有序

下階為之密感比密者相近也 黃帝占曰人主徭役

肆意縱欲崇飭臺榭數奪農時上階為之奢諸侯盛車

服上階三公專權卿大夫貪誇則中階為之疏

案王隱晉

書曰張華少子建曉仰占云中台圻內懼遂勸華遜位
華言今惟修德以應之耳檀道鸞晉陽春秋曰張華死
後中台遂圻大元中還陰欽正中國以為謝太傅祖德
之所致也宋書天文志云晉惠帝永康元年三月中台
星圻是日賈后殺太子趙王倫尋廢殺后及張
華又廢帝自立於是三王並起操搃天權也 士庶民去

本趨末不務農桑豪侈相凌竟為狡猾則下階為之濶

奢疏濶者階相遠也 洛書曰三能橫通天下嘿嘿後

十二年山大崩亡主之符也 尚書中候曰中能垂公

輔謀 尚書中候曰天能有變厥為災土淪山崩谷溜

滿川枯 禮含文嘉曰王者得禮之制不傷財不害民

君臣和集草木昆蟲各蒙正性則三台為齊明不濶不

狹如其度

宋均注曰君臣制度宮室車旗多少各有科品則應之也

禮緯含文嘉

曰殯喪之禮各以其時變制革禮之差得制之宜三台

平正有德星出入其間矣 春秋緯曰三公擅恣非其

人則山崩三台移鼎折足 春秋緯曰三能色齊君臣

和不齊大乖 春秋緯曰三能色亂天子不賢 甘氏
曰三台色明行列齊等相類則君臣和吉而治臻 甘
氏曰三台色黃天下謀德色赤謀兵色黑有憂色白為
喪色白為疾三台不直天下失謀 甘氏曰三能流相
抵者諸侯為亂天子不見有亡主以其日占其國 甘
氏曰司中星坼搖若合赦 甘氏曰司祿星其坼者凶
主者當之 焦延壽曰三能星搖動皆為有謀 郝萌
曰三能之上星疏者變從上家起中星疏者變從中家

起下星䟽者變從下家起所謂變起者反逆之事 又

占曰司命司中司祿星欲其赤黃萬民奮壯所為數利

荊州占曰三能一䟽一數宗廟咎責亡孝悌仁義也

五府不順此三公之過也 又占曰三能不齊等三

公不相信 又占曰三能色不齊君臣奔走黑為喪

荊州占曰三能一星去天下危二星去天下亂三星去

天下不治 荊州占曰三能色黃澤赦 又占曰三能

黃澤有光民安壽 又占曰司命司中司祿欲其大淳

而澤天子多推恩 石氏讚曰三台六星三公位其色
齊明德洋溢

相星占五十四

石氏曰相一星在北斗南

入翼五度去極三十一度
半在黃道內三十七度也

黃帝占曰相星天丞相也大臣象也主衣服之章 黃

帝占曰相星明大則天子明忠臣興相星亡則輔臣黜

若有誅 石氏曰相星明吉不明凶 焦延壽曰相星

亡相死不死出走 石氏讚曰相在斗南集衆事

太陽守星占五十五

石氏曰太陽守一星在相西南

入張十三度少去極三十五度半在黃道內三

十九度也

黃帝占曰太陽守輔臣象也所以守衛天主之

宮脩守諸門其星明則人主威伏四方天下安王者致

符瑞 石氏曰太陽守星明吉不明不吉 焦延壽曰

太陽守星北近斗居七星行間以入曰辟煞亡 陳卓

曰太陽守星非其常天下兵起中國不安大臣誅 石

氏讚曰太陽守在西設武脩

天牢星占五十六

石氏曰天牢六星在北斗魁下

東星入張一度少去極二十六度半在黃道內

四十四度太也

黃帝占曰天牢貴人之牢也在北斗魁下所

以禁暴橫 春秋合誠圖曰天牢主守將 郝萌曰天

牢天子疾病之憂患 黃帝占曰天牢中星衆貴人多下

獄星希天下安無罪人 石氏曰天牢中無星天下安

寧有星賢主傷 焦延壽曰天牢星明大動揺辟拘繫

一星明主侯有繫者 司馬遷天官書曰赤帝行德天

牢為之空 石氏曰天牢與貫索通占 石氏譜曰天牢六星禁暴去惡

文昌星占五十七

石氏曰文昌六星

一本七星案陸績渾天圖曰文昌中有一星在司祿內名為主祿統名為

七星西星入井十五度太去極二十五度太在黃道內四十三度半也

司馬遷天官書

曰斗魁戴匡六星曰文昌宮

晉灼曰似戴故曰戴匡也

黃帝占曰

文昌六府之宮也在斗魁前經緯天下文德之宮六府謂金木水火土穀從斗魁第一星為上將建威武第二

星為次將臨左右第三星為貴相主文理第四星為司

命主賞功進賢第五星為司中

班固天文志云司祿

主司過詰咎

第六星司祿佐理寶

天文志曰司

洛書曰文昌主六府寇

春秋緯元命苞曰文昌主集計禍福也天道文者精所聚

昌者揚天紀輔弼並居成天象 春秋緯曰文昌宮為

六府以布升度明天道上將招威次將輔主貴相宣德

司命進官司中臧咎司祿賞善佐理揚寶六名執權守

隸四海之府土官也 巫咸曰文昌天子司祿之府土

官 陳卓曰文昌一星上將大將軍也二曰次將尚書也三曰貴相太常也四曰司中司隸也五曰司怪太史也六曰大理廷尉也 黃帝占曰文昌宮者天府離宮也文昌宮三能屬軒轅相與為體星明大齊同則王者致太平星不明道術隱藏王者求賢則星明 黃帝占曰文昌星黃潤澤光萬民安青黑微多所害 又占曰司命主臧不祥其星黃澤有光萬民安蒼為天下多有憂 焦延壽曰文昌星動搖不如故三公誅不乃后死

陳卓曰文昌星明大小齊等天瑞臻 石氏讚曰文

昌在西則六府治

北斗星占五十八

石氏曰北斗七星輔一星在太微北

第五星入井十三度去極十一度太

極星入張初去極十八度少在黃道內九十八度也

黃帝占曰北斗為帝車運

於中央臨制四方

漢書天文志曰四海吳龔天文星占曰四卿也

分別陰陽建

於四時均立五行移應節度定諸紀綱太一之事也配

於二十八宿天所以發其時地所以成萬物諸侯屬焉

春秋緯元命苞曰斗為帝令出號布政授度四方故置輔星以佐功為斗為人君之象而號令之主也 兵法

曰北斗名長史小字大方能知者便不畏白刃 巫咸

曰北斗天子受命之使士官也 河圖曰北斗魁第一

星開樞受樞受樞至四星屬魁為璇璣第二星提執序

第三星璣耀緒第四星權拾取第五星玉衡拒第六星

開陽紀輔星紀第七星搖光吐搖光主玉衡屬杓為玉

衡也案春秋緯元命苞曰玉衡北極注曰直杓故曰玉繩

也舜典曰璇璣玉衡以齊七政巫咸曰七政者日月

水火土金
水星是也

洛書曰北斗魁第一曰天樞第二璇星第三璣星第四權星第五玉衡第六開陽第七搖光第一至第四為魁第五至第七為杓合為斗杓陰布陽故稱北斗開陽重寶故置輔易斗中曰北斗第一曰破軍第二曰武曲第三曰廉第四曰文曲第五曰祿存第六曰巨門第七曰貪狼 石氏曰北斗第一星曰正星主陽主德天子之相也第二曰法星主陰主刑女主之位也第三曰令星主福第四曰伐星主天理伐無道第五曰

殺星主中央助四旁殺有罪第六星危星主天倉五穀

第七曰部星一曰應星主兵淮南鴻烈間詁曰斗杓

為小歲

歲之言越歷十二辰而行

正月建寅月後左行行十二辰咸

池為太歲二月建卯月徙右行四仲終而復始太歲迎

者辱順者強左者喪右者昌小歲東南即生西北即煞不可迎也而可順也不可左也而可右也其此之謂也

又曰北斗之神有雌雄十一月建於子月後一辰雄

左行雌右行五月合午謀刑

刑為煞故齊麥死也

十一月合子謀

德德為生問
射於振末

詩含神務曰七政天斗上一星天位二

主地三主火四主水五主土六主木七主金 春秋緯
曰正星主營室東壁奎婁法星主胃昂畢觜鵬令星主
參東井輿鬼主柳伐星主七星張翼軫煞星主角亢氐
房危星主心尾箕南斗部星主牽牛須女虛危 石氏
曰北斗第一星主日第二星主月第三星主熒惑第四
星主辰星第五星主填星第六星主歲星第七星主太
白 黃帝占曰北斗第一星主秦第二星主楚第三星

主梁第四星主吳第五星主趙第六星主燕第七星主

齊 春秋緯曰北斗杓携龍角

孟康注天文志曰携連也

衡殷南斗

魁枕參首用昏建者杓華山以西南

孟康傳曰第七星法太白杓斗之尾

為陰位在西方故主西南也

夜半建者衡以殷中州河濟之間平旦

建者魁海岱以東北也

孟康傳曰斗魁第一星法於日主齊魁斗之首陽也又用其在

明陽與明德在東方故主東北齊也

春秋緯文曜鉤曰華岐以北龍門積

石西至三危之野雍州屬魁星太行以東至碣石王屋

砥柱冀州屬璇星三河雷澤東至海岱以北兗青之州

屬璣星蒙山以東至羽山南至江會稽震澤徐揚之州
屬權星大別以東至雲澤九江衡山荊州屬衡星荊山
西南至岷山北距烏鼠梁州屬陽星外方熊耳以東至
泗水陪尾豫州屬杓星 陸績渾圖曰魁星第一星主
徐州第二星主益州第三星主冀州第四星主荊州第
五星主兗州第六星主揚州第七星主豫州 皇甫謐
年歷曰斗者天樞也天有七紀故斗有七星星間相去
七度百二十分曜各百里周七千里分得日月五星九

州之地自一至四曰魁自五至七曰杓一曰樞星太白
主之雍州屬焉二曰璇星填星主之冀州屬焉三曰璣
星熒惑主之青兗州屬焉四曰權星辰星主之徐揚州
屬焉五曰玉衡歲星主之荊州屬焉六曰闔陽日主之
梁州屬焉七曰搖光月主之豫州屬焉搖光一名杓或
曰招搖以昏候之左旋於天月建一辰晝夜一周日月
會焉故孟春建寅日月會於豕韋仲春建卯會於降婁
季春建辰會於大梁孟夏建巳會於實沈仲夏建午會

於鶉首季夏建未會於鶉火孟秋建申會於鶉尾仲秋
建酉會於壽星季秋建成會於大火孟冬建亥會於析
木仲冬建子會於星紀季冬建丑會於玄枵 黃帝占
曰北斗七星名曰七神神各主四宿而衛太一之宮其
星欲明大潤澤相類七政齊明則天子吉大臣
昌其星不明王者弱大臣有殃星若搖動不出百八十
日天下盡兵多有死者 又占曰北斗魁第一星為天
道六甲主五子甲子丙子戊子庚子壬子五子者氣之

始也魁星建除主建萬物甲子木春始王所以通達根
莖丙子火夏始王所以通成花葉戊子土季夏始王主
萬物肌膚庚子金秋始王煞萬物壬子水冬始王主含
凍定根故魁星為歲星其位甲子故天子不尊鬼神幼
稚多弱則魁星不明不明則歲星不光不光則萬物少
稚不昌天潤不盈魁星不澤列地封虛財而不賞王道
所後及皆思其下紀也 黃帝占曰北斗第二星為地
道六甲主乙丑乙亥丁丑丁亥巳丑巳亥辛丑辛亥建

除主除閉物無不除除陳發新地道自虐故天使萬物
皆得盛合寧故第二星為太白其位為後主諸侯故天
子教令顯數發土功發壞沒山林不受藏則第二星不
明不明則太白無光無光則名術士不昌藩臣不忠地
澤不藏藩臣多疾 黃帝占曰北斗第三星為人道六
甲主丙寅甲戌戊寅丙戌壬寅庚戌甲寅壬戌建除主
滿開天下能承天理物設上定下夫婦昇進而定家道
故第三星主熒惑百姓不進為退過則第三星不明不

明則即熒惑無光則百姓罷死役士多避過亡匿智士退賢人避 黃帝占曰北斗第四星為四時六甲主

丁卯癸酉己卯乙酉癸卯己酉乙卯辛酉建除主平四時四者萬物之節度數也故第四星為辰星其位為司徒故天子出令教化不順四時春行秋政夏行冬政秋行春政冬行夏政四時不和不明則辰星無光無光則歲彫殺五穀不盛萬物不昌百姓夭喪上下不相親司徒非其人 黃帝占曰北斗第五星為音德六甲主戊

辰壬申庚辰甲申壬辰丙申甲辰戊申丙辰庚申建除
主定成音者五氣之和五宮之政制樂之節皆在於是
故第五星為填星其為天子中宮故天數更日厯損宗
廟厯衣服遠親離疏戮辱父兄蕃臣以兵上下相欺

黃帝占曰北斗第六星為法星六甲主己巳辛未辛巳
癸未癸巳乙未乙巳己未建除主執危法律者所以善
善而惡惡也故死者不可生刑者不可息故第六星為
月其位主天理天子出令法苛刻誅不正威煞用刑則

第六星不明不明則月不光不光則執政不察盜賊並起
黃帝占曰北斗第七星為部星六甲庚午壬午丙
午戊午甲午建除主破收主兵主天四瀆瀆者江
河淮濟之水故第七星主日其位主司馬不敬諸神江
河淮濟則第七星不明不明則日無光則海水出流煞
百姓則其年有兵司馬將軍而行萬民不昌司馬與
士卒俱凶 河圖曰璣四星紀日蝕微玉衡三星紀天
倫山崩 洛書曰開樞受微逆天失度提旋序微地道

失理機耀渚微人民冤結政乖失常權拾取微江河涸
竭水失道玉衡樞微音節災紀開陽紀微律厯鍾呂
昧失理搖光吐微星辰政度失序 詩含神務曰七政
星不明各為其政不行 尚書璇璣鈴曰北斗第一星
變色微赤不明六日而日蝕 禮記斗威儀曰君乘土而
王其政太平則宮室黃大其餘六星暉光四起宮北斗魁星也
春秋演孔圖曰八政不中部則王綱紀絕失常 春
秋元命包曰衡之撥起三公后妃恣君如贅旒 春秋

緯文曜鉤曰王者失執偏任臣下擅任則衡撥胎擲失制撥者陽星戾戾則日蝕心消江河為害期九年天子無威王者舒濡臣並為政則衡匡移側不停匡者陰星進進則山崩谷滿極星亡日不見期八年中國無君王天下大亂王者貪恣開利門賈百姓朝以貨財為榮無仁義之廉則璣星低低者樞機星下移移則山躍參差天投石蝗蟲為害奎星息期九年主試天下無文法兵官榮王者不用仁義為政則佞臣熾哲人消羣姦之害以

圓為方以欺為忠朝廷閉塞天下蔽壅則杓仰仰者杓
星上句移而高則山崩龍羣吟飛火泉踊彗入斗辰守
房天庫虛狼狐張期八年五伯起帝王亡后黨嬉

宋均曰嬉

盛也

讒賊興羣官之政以私害公則魁星反而擾衡 春

秋運斗樞曰王者承度行義郊天事神不敬廢禮文不
從經圖則樞星不明主病目舌若喉此類見主以逆天
自恣為三公名侯所謀舉土功立州侯失德逆時害謀
顯惡問仰左官隨意已虐符則璇星不明主鮮落若偏

枯近臣恣將相謀主以逆陰失符德義少殘百姓家獄
慘毒吏巧邪暴設變害舒失民命懷冤抑則璣星不明
主病心腹若眩疽太尉謀主以逆人倫誅符命到禁切
愚喜怒動失時則橫星不明若主痺蹙逆以無禁誅遠
雅頌若倡優奢政偽度毀讒則嬉則玉衡不明主若痿
蹙以迷或誅德獎任過官多尸祿爵賞逆符不修斗度
房表之樞法令數更以苛相杓則開陽星不明主若鬲
疽以不聰明誅廢江淮不省山瀆之祠州土之位不應

天符斬伐無度壞山絕渠威德四弱外國遠州搖光不
明主若腫痂痔痛愆失樞 孝經援神契曰王者德至
於天則斗極明 援神契曰天子不事祠名山不敬鬼
神則斗第一星不明數起土功壞決山陵逆地理不從
諫則第二星不明天子不愛百姓則第三星不明發號
施令不從四時則第四星不明用樂聲淫泆則第五星
不明用文法深刻則第六星不明不省江河淮濟之祠
則第七星不明 孝經內記曰兩北斗夜見者天子易

後當起 石氏曰北斗第四星名照明大動天子兵強
國安其微小色若青黑軍破國亡 石氏曰七政星明
者其國昌不明者其國有殃 石氏曰北斗七星欲其
明大潤澤相類不相類者治亂 又占曰北斗一星亡
天下必有大事若有大變 又占曰正星有變其宮有
憂若死法星有變女主當之若死令星有變火官有憂
若死伐星有變水官有憂若死煞星有變土官有憂若
死危星有變木官有憂若死部星有變金官有憂若死

甘氏曰衡星分明則法令從微細則法令不行衡星
相疏法令緩相去數法令急 又占曰北斗自暈破軍
北斗消天下君臣相背 巫咸曰北斗星明王者治
郝萌曰北斗杓為北高主急事馳馬兵驚常以春三月
候北斗魁第一星者曰應星色赤大赦色白有喜 郝
萌曰北斗旁多星則國家安 又占曰北斗前移外胡
人北移內胡人南 巫咸曰王者逆道則北斗不明
瑞應圖曰王者孝行溢則斗湏精者精光不隕也 荆

州占曰北斗星盛動搖者不出百日中天下盡以兵革死
荆州占曰北斗中多小星者民怨上天下多訟法
者無星二十日有赦 又占曰北斗亡不相反害必有
伐主 荆州占曰北斗第一星不明御史大夫非其人
也第二星不明大司農非其人也第三星不明少府非
其人也第四星不明光祿非其人也第五星不明鴻臚
非其人也第六星不明廷尉非其人也第七星不明執
金吾非其人也 荆州占曰北斗魁第一星主陽主德

天子之象也萬國之始也即有變日應之使其官有憂
若有死亡正星色赤有兵不出月中色白為水若揚光
色赤無利春至夏馬牛金石物貴夏至秋黍麥貴秋至
冬粟黍麥魚鹽貴冬至春薪菜貴而糴賤 荊州占曰
北斗第二星主陰主刑而生萬物女主位也即有變月
應之無救大人一子為憂女主官當之者死法星色赤
有兵無救期一歲若二歲兵罷色青三日有兵期三月
若四月色青不復有暴疾之君色青白有白衣之會期

三月色黃黑更弊色黑有大水期三年中其有期三月
中色黑白郭壞之有暴水若大風期六月中 荊州占
曰北斗第三星變色青黑變更法令天下不安赤黃有
兵其變白為一月而兵罷 又占曰北斗第四星色青
若赤大臣有憂黃君有喜 又占曰北斗第五星色青
米粟貴赤菽貴赤黑麥貴白禾黍貴黑糴賤 荊州占
曰北斗第六星色青有離國赤有兵 又占曰北斗第
七星一名應星主兵即有憂太白應之金官有憂若死

色赤死有兵期一歲其春也有喜色青有移徙民色黃有君益地色白有憂色黑有水 文曜鉤曰輔星匡危

孟康曰在北斗第六星旁

春秋合誠圖曰輔星主旋明 援神契

曰輔星正矯不平 荊州占曰輔星丞相之象也 雒

罪級曰輔星微公宰弱無良朋 春秋緯曰輔星小天

子佐消七政毀輔乃亡 春秋緯曰輔星明近則輔臣

親厚疏小則輔臣微弱無道 郝萌曰輔星明則王者

夾輔佐出 郝萌曰輔星遠斗星五六寸相不死出走

荊州占曰輔星近斗一寸二寸臣欲迫脇主 又占

曰輔星不見相死 又占曰輔星北則黃瑞降子孫蕃

昌 又占曰斗星明輔星不明主強臣弱 又占曰輔

星明斗星不明臣強主弱 又占曰輔星大而明主奪

政 又占曰輔星不明相不死則免 又占曰輔星欲

小明小明則相明 又占曰輔星合斗星十日兵起

又占曰輔星明大與斗星合兵起臣強主弱 又占曰

斗輔星去丞相去 孝經右秘曰大夫不信斗輔亡

郝萌曰輔星入斗中相繫 荊州占曰輔星入斗中輔
臣有誅者 荊州占曰輔星生翌天子驚大將謀 春
秋緯曰輔星生翌不出三年主誅臣為王 又占曰邪
臣挾私擅國符輔生翌 又占曰九卿阿黨排擠正直
驕奢侈害則江河潰決斗輔生角輔遠陽大臣無德邦
必立王 石氏讚曰北斗七星廩授輔相 一本云輔養
一本云輔爭
近臣見微意

紫微垣星占五十九

石氏曰紫微垣十五星西蕃七東蕃八

在北斗北右星入軫十度去極

九十度半在黃道內五十六度太

荊州占曰紫微宮紫北也宮中也

一名天營一名長垣又曰日旗樂什圖曰天宮紫微

宮也春秋合誠圖曰紫宮者太一之常座

郝萌曰太一之常舍

也

巫咸曰紫宮者天子之常居土官也張衡靈憲

曰紫宮為皇極之居春秋元命苞曰紫宮吐陽合陰

淮南天文閒詁曰紫宮執斗而佐還日行一度以周

於天曰冬至駿狼之山冬至所止也日移一度行百八

十二度八分度之五而夏至牛首之維牛首之維夏至之所至反覆三百六十五度四分度之一而成一歲詩含神霧曰紫宮主出度 聖洽符曰紫宮以戌子日候之宮亂則荒其君驕奢不聽諫姦佞在側紫宮和而正則致鳳凰頌聲作 石氏曰紫宮之星均皆明大小有常 郝萌曰紫宮星不盛即士耗亡妻子 又占曰紫宮旗直者天子出自將兵紫宮開兵起 荊州占曰紫宮星盛即吉昌內輔強 石氏讚曰紫微宮中十五

星脩蕃臣

北極鉤陳星占六十

石氏曰北極五星鉤陳六星皆在紫微宮中

鉤陳六星入東壁八

度太去極十一度半在黃道內八十四度

黃帝占曰北極者一名天極一

名北辰

論語曰譬如北辰衆星拱共謂北極也

紫宮天聖主也三公也在

北斗前

北極紐星天之樞也天運無輟而旋星不移也

黃帝占曰天樞天一

坐也

吳龔天官星占曰北辰者一名天一名西秋

春秋緯曰北極星其一明大者太一之光含元氣以斗

布常開命運節序神明流精生一以立黃帝 春秋緯
曰道起於元一為貴故太一為北極天帝位 司馬遷
天官書曰天極星其一星太一常居也旁三星三公或曰
子屬 廣雅曰北辰曰曜魄 黃帝占曰北極太一之
座也第一星主月太子也謂第一星者最赤明者也

黃帝占曰極星盛人君吉昌不明人君耗 禮緯曰天
子正珪瑁則北辰列齊 春秋緯曰北極主出度 又
占曰極星亡期八年中國無君王天下大亂 春秋緯

運斗樞曰王者承度行義郊天事神不敬廢禮文不從
經圖則樞星不明 孝經緯曰德至天則斗星極明甘
露下 石氏曰北極星明大數動搖主好出遊色青微
滅皆凶 荊州占曰北極出斗去地三丈大星獨居無
位出天下大亂易姓人相食 又占曰北極中央星不
明去疏主不用事左星不明太子有憂右星不明庶子
有憂 荊州占曰天樞大端指心小端指參故用兵者
順行皆天樞則左青龍右白虎前朱雀後玄武蒼龍白

虎朱雀七星玄武虛危 春秋緯曰上精為鈎鈎陳者

陳也害土立萬物度數以

關

陳 樂什圖曰鈎陳後

宮也 合誠圖曰鈎陳大帝之正妃也大帝之常居也

巫咸曰鈎陳天子護陳將軍水宮也 郝萌曰鈎陳

者後宮也 司馬遷天官書曰後勾四星末大星正妃

餘三星後宮之屬 荊州占曰鈎陳天子大司馬 又

占曰鈎陳者黃龍之位也 荊州占曰鈎陳四守太一

之所妃也 黃帝占曰鈎陳四守星盛人君吉昌不明

盛人君耗 石氏曰鈞陳星欲其光明耀美天子左右強
若細色黑左右弱 郝萌曰鈞陳星盛天子之輔強小
微即輔弱 又占曰鈞陳星去不見女主惡之 荊州
占曰主不用諫佞人在位則鈞陳星不明 石氏占曰
北極五星最為尊鈞陳大星配輔臣

天一星占六十一

石氏曰天一星在紫宮門外右星南與紫宮門右星同
度 南星入軫十度去極十度
半在黃道內七十四度半 韓楊曰天一星名曰北

斗主其星明則王者治不明者王道逆則斗主不明七
政之星應而變色 黃帝占曰天一星地道也欲
其小有光則陰陽和萬物成天一星大而明盛水旱不
調五穀不成天下大饑人民流亡去其鄉 黃帝占曰
天一星明澤光潤則天子吉 石氏曰天一星欲明而
有光則陰陽和萬物成 又占曰天一星亡則天下亂
大人去 荊州占曰天一之星盛人君吉昌 石氏讚
曰天一太一主承神也

太一星占六十二

石氏曰太一一星在天一星南相近

入軫十度去極十度在黃道內七十

四度半也

祖暅占曰太一赤天帝神也主使十六神知風

雨水旱兵革饑饉疾疫災害所在之國 石氏曰天一

星明吉不明不吉 合誠圖曰太一離其位而乘斗後

九十日兵必起 荊州占曰太一星失其位則天子有

所之未反 又占曰太一之居左丈而右武後極而前

行四帝方旁衆神為輔文武不明輔乃不強

唐開元占經六十七